

**Talamdan sa
Mga Mensahe sa Full-time Training
sa Fall Term sa 2022**

**LINANGKOB NGA HISGOTANAN:
MAGKINABUHI DIHA SA REALIDAD SA LAWAS NI CRISTO SA PAGKAT-ON KANG CRISTO
MAINGON NGA NAA NI JESUS ANG REALIDAD**

Mensahe 9

**Magkinabuhi diha sa Realidad sa Lawas ni Cristo
sa Pagkinabuhi sa Kinabuhi sa Dios nga Gugma**

Basahong Kasulatan: 1 Cor. 8:1b; 12:31b; 13:1, 4-8, 13; 14:1, 3, 4b; Juan 21:15-17; Bug. 3:7-22

I. Sa atong Cristohanong kinabuhi ug iglesiahanong kinabuhi, modaog gyod unta ang gugma—1 Cor. 12:31b; 13:4-8, 13:

- A. Mga tawo gyod unta ta nga gibahaan ug gianod sa gugma ni Cristo; sama gyod unta sa daghan kaayong tubig nga nibul-og kanato ang diosnong gugma, nga mopugos nato nga magkinabuhi ngadto Niya ug mahigugma Niya sa kinabug-osan gyod nga dili nato mapugngan—2 Cor. 5:14.
- B. Magpabilin gyod ta diha sa gugma sa Dios ug magpapugos sa gugma ni Cristo aron itugyan ang atong kinabuhi tungod ug alang sa mga igsoon—Jud. 19-21; 2 Cor. 5:14; 1 Ped. 1:22; 1 Juan 3:14-16; 4:7-21.
- C. Aron bug-os gyong mahigugma sa Ginoo, mga tawo gyod unta ta nga nangandoy ug nagtinguha nga mopuyo sa balay sa Dios sa tanang adlaw sa atong kinabuhi, aron mosud-ong sa Iyang katahom (pagkahiligugmaon, pagkamakapahimuot, pagkamakalipay), ug magpakisayod sa Dios sa Iyang templo; ang magpakisayod sa Dios mangutana man sa Dios kalabot sa tanang butang sa adlaw-adlaw natong kinabuhi—Sal. 27:4.
- D. Ang gugma maoy labing maayong paagi nga mahimo tang bisan unsa o mobuhat og bisan unsa aron matukod ang iglesia nga organicong Lawas ni Cristo—1 Cor. 12:31b; 13:1, 4-8, 13:
 1. Ang gugmang gibatbat ni Pablo sa 1 Corinto 13 mao ang pagpadayag sa diosnong kinabuhi (vv. 4-8a); labot pa, kay bunga man sa Espiritu ang gugma nagpakita kini nga ang pagkamao sa gugma mao gyod ang Espiritu (Gal. 5:22); kon wala tay gugma, ang pagpamulong nato sama ra sa gipalanog nga agong ug nagtagingting nga piyangpiyang, nga nagpatingog nga walay kinabuhi (1 Cor. 13:1; 14:1, 3, 4b, 12, 31; 2 Cor. 3:6).
 2. Masama gyod unta ta sa Dios sa paghigugma nato sa uban, mahigugma sa mga tawo nga wala gyoy pagpihig (Mat. 5:43-48); ang unang giluwes ni Cristo sa pagkalansang Niya sa krus dili man buotang tawo, kondili kriminal, tulisan, nga gihukmang mamatay; makahuloganon kaayo kini (27:38; Luc. 23:42-43).
 3. Mapalihok na ngani ang balaod sa Espiritu sa kinabuhi nga balaod sa gugma sa sulod nato, awtomatiko ug diha-dayong mahimo tang mga magbalantay nga naay mahigugmaon ug mapasayloong kasingkasing sa atong Amahan nga Dios ug naay maatimanon ug mapangitaong espiritu sa atong Manluluwas nga Cristo—Rom. 8:2; Gal. 6:2-3; Juan 21:15-17; Luc. 15:3-7.
 4. Paghago sa gugma ang paghago nato diha sa Ginoo (1 Cor. 15:58; 1 Tes. 1:3-4) nga niini “tabangan nato ang mga maluyahon” (Buh. 20:35) ug “tabangi ang mga maluyahon” (1 Tes. 5:14); nagpasabot *ang mga maluyahon* sa mga maluyahon sa espiritu ba o sa kalag o sa lawas, o sa mga maluyahon sa pagtuo (Rom. 14:1; 15:1).
- E. “Makapaburot ang kahibalo, apan makatukod ang gugma”; maminaw tingali ta sa mga mensahe sa ministri ug moburot tungod lang sa kahibalo—1 Cor. 8:1b; itandi sa 2 Cor. 3:6.

II. Ang kamatuoran karong panahona sa takdo-sa-panahon ug kinataposang pahiuli sa Ginoo pagpadangat man kanato sa bag-ong pagkadasig pag-usab nga mousab sa panahon sa pagpili nato nga molakaw sa dalan sa Filadelfia; ang napahiuling iglesia ra, ang

iglesia sa gugmang inigsoon, nga gihulagwayan sa iglesia sa Filadelfia, ang makatuman sa walay kataposang tuyo sa Dios ug makatagbaw sa tinguha sa Iyang kasingkasing—Bug. 1:1-3; 3:7-13; Mga Alawiton, #880:

- A. Ang kinaiya sa mga mananaog sa Filadelfia (vv. 7-13) mao ang pagtinguha nila nga modangat sa kinahabogang punto sa diosnong pinadayag sa pamatigayon sa Dios—kining kinahabogang punto mao nga nahimong tawo ang Dios aron himoong Dios ang tawo sa kinabuhi ug kinaiya apan dili sa ranggo sa pagka-Dios aron mapalugwa ang Lawas ni Cristo, maandam ang panga-saw-onon, ug mahingpit ang Bag-ong Jerusalem:
1. Bisan tuod nibiya na sa pagpangalagad ni apostol Pablo ang kaiglesiahan sa Asia, sa kinalapdan (2 Tim. 1:15), bugtong-talagsaon ug gidayeg pag-ayo sa Ginoo ang usa ka iglesia—ang iglesia sa Filadelfia; gidayeg sila pag-ayo sa Ginoo ug gitamod man ngani kay gituman man nila ang Iyang pulong, nga nagpasabot nga wala sila mobiya sa pulong sa himsog nga pagtulon-an sa pamatigayon sa Dios ni apostol Pablo, sa kinahabogang punto sa diosnong pinadayag (Bug. 3:8; 1 Tim. 1:3-4; 6:3).
 2. “Dato ngadto sa Dios” (Luc. 12:21) ang mga taga-Filadelfia tungod sa pag-ampo-basa ug pagpamalandong nila sa Iyang pulong aron tipigan ang Iyang pulong sa ilang kasingkasing (Efe. 6:17-18; Sal. 119:11, 15); gibayaw nila ang ilang mga kamot ngadto sa pulong sa Dios, nga nagpakita nga mainiton ug malipayon nila kining gidawat ug nga ni-Amen sila niini (v. 48; Neh. 8:5-6).
 3. Kanang mahimong mga haligi sa templo ang mga mananaog nagpasabot nga mahimo silang mga haligi diha sa Tulo-usang Dios, kay ang templo mao man “ang Ginoong Dios nga Makagagahom-sa-tanan ug ang Cordero”; gitukod ang Dios nganha nila aron himoon silang buhi ug hamiling mga bato, ug gitukod sila ngadto sa Dios aron himoon silang mga haliging bato diha sa Dios aron matagik sila sa Dios isip masigka-puluy-anan sa Dios ug sa tawo—Bug. 3:12a; 21:22, 3; Sal. 90:1; Juan 14:23; itandi sa 1 Hari 7:17.
 4. Kanang gisulat diha sa mananaog ang ngalan sa Dios, ang ngalan sa Bag-ong Jerusalem, ug ang bag-ong ngalan sa Ginoo nagpakita nga naumol na tanan nganha nila ang pagka-mao sa Dios, ang kinaiya sa Bag-ong Jerusalem, ug ang persona sa Ginoo, gimarkahan sila sa Tulo-usang Dios isip “ID” nila ug gihimo silang Dios sa kinabuhi ug kinaiya apan dili sa ranggo sa pagka-Dios—Bug. 3:12b; 22:4b.
- B. Ang kinaiya sa mga mananaog sa Filadelfia mao ang pagpaningkamot nila nga makasulod sa Dios-tawong pagkinabuhi sa pagpahimulos nila sa kadato ni Cristo nga bahandi nila nga nag-puyo-sa-sulod—Efe. 3:8; 2 Cor. 4:7:
1. Sa Isaias 22 gipalagpot sa Dios si Shebna, nga tinugyanan sa balay sa hari (vv. 15-19), ug gipulihan siya ni Eliakim, nga hulagway ni Cristo nga malangkobon-sa-tanan nga Piniyalan sa balay sa Dios, nga sa Iyang abaga gibutang ang yawe sa balay sa Dios (vv. 20-25; Bug. 3:7-8); naay yawe si Cristo nga mokontrol sa pultahan sa tipiganan sa bahandi sa Dios, nga gibutangan sa kadato sa Dios diha ni Cristo nga atong mapahimuslan (1 Tes. 5:16-19; itandi sa Ezeq. 1:22, 26):
 - a. Ang tinuod nga iglesiahanong kinabuhi, kinabuhi mang gipalagpot ang tanang balaan ug gipulihan ni Cristo, gihimo si Cristo nga tanan diha sa iglesia; mga Shebna tang tanan, nga pahawaon gyod ug pulihan ni Cristo nga tinuod nga Eliakim aron himoon tang hulad Niya isip mga piniyalan sa mga misteryo sa Dios ug sa nagkadaiyang grasya sa Dios—Col. 3:10-11; 1 Cor. 4:1; 1 Ped. 4:10.
 - b. Kay nadugtong man ta ni Cristo, ug gidugtong ni Cristo ang Iyang Kaugalingon kanato, nag-usa sa Iyang Kaugalingon kanato, sa pagkamatay Niya sa krus, namatay ta uban Niya ug natapos; karon sa organicong pagkausa nato ni Cristo, gipulihan ta Niya sa pagkinabuhi Niya sa sulod nato, uban nato, ug pinaagi nato—Rom. 6:6; Gal. 2:20; Rom. 8:16; 1 Cor. 6:17.
 2. Objectibo para nato ang paggamit sa Ginoo sa yawe ni David sa pag-abli sa pultahan aron ikapakaylap ang Iyang pahiuli, apan gigamit sab ni Cristo ang yawe ni David aron subjectibong ablihan ang pultahan sa pagkatawo nato sa sulod aron matransporma ta ug matukod

ngadto sa balay sa Dios isip haligi nga dunay ngalan sa Dios, ngalan sa Bag-ong Jerusalem, ug bag-ong ngalan sa Ginoo—Bug. 2:17; 3:12; cf. 21:22:

- a. Nagpakita ang *ngalan sa Akong Dios* nga ang haligi mao ang Dios; nagpakita ang *ngalan sa syudad sa Akong Dios* nga ang haligi mao ang Bag-ong Jerusalem; ug nagpakita ang *Akong bag-ong ngalan* nga ang haligi mao si Cristo sa bag-ong kahulogan; ang mananaog isip haligi nahimong Dios sa kinabuhi ug kinaiya apan dili sa ranggo sa pagka-Dios, nahimo siyang bahing nag-umol sa Bag-ong Jerusalem, ug nahimo siyang Cristo sa bag-ong kahulogan sa kasinatian—3:12.
 - b. Ang Bag-ong Jerusalem mao ang bag-ong Cristo; isip pagdako ug paglapad sa Dios, Cristo ta sa bag-ong kahulogan isip Bag-ong Jerusalem; ang bag-ong Cristo dili sama Niya nga naa sa upat ka Ebanghelyo; ang pangasaw-onon, nga pagtubo sa Pamanhonon, mao ang Bag-ong Jerusalem, nga naglakip sa tanang gipanganak pag-usab sa Dios—Juan 3:29-30; Bug. 21:9-10.
 - c. Dili gyod mahimo sa tawo kanang matukod ta ngadto sa Dios, mahimong bahing nag-umol sa Bag-ong Jerusalem, ug mahimong bahin sa bag-ong Cristo, apan ang balaod sa Espiritu sa kinabuhi sa sulod nato dunay elemento nga mohimo sa dili mahimo—Rom. 8:2; Luc. 18:27; itandi sa Gen. 28:12-19; Juan 1:51.
- C. Ang kinaiya sa mga mananaog sa Filadelfia mao ang ilang gugmang inigsoon; nidaog ang gugma diha nila mao nga nangatiman sila sa mga tawo sumala sa Dios (1 Ped. 5:2) sa pagpangga kanila pinaagi sa makalipayng presensya sa Dios ug pagtil-og kanila sa himsog nga pagtulon-an sa pamatigayon sa Dios (Efe. 4:11; 5:29; Buh. 20:28):
1. Kinabuhi sa gugmang inigsoon ang iglesiahonang kinabuhi (1 Juan 4:7-8; 2 Juan 5-6; Juan 15:12, 17; Bug. 3:7; Efe. 5:2; itandi sa Jud. 12a), ug gitukod sa Lawas ang iyang kaugalingon diha sa gugma (Efe. 4:16).
 2. Nagbarog ang mga mananaog sa Filadelfia sa tinuod nga sukaranan sa pagkausa ug nagamping sa ilang kaugalingon diha sa gugma sa Dios aron mahigugma sa Ginoo ug sa tanang igsoon—Bug. 3:7a; itandi sa 2:4, 7; Jud. 19-21; 2 Cor. 5:14; Juan 12:3; Luc. 7:47; 1 Juan 3:14-16; Sal. 133.
 3. Gituman sa mga mananaog sa Filadelfia ang pulong sa Ginoo sa bugtong-talagsaong pagpangalagad Niya sa Bag-ong Tugon (Bug 3:8), nga nagdala nila ngadto sa tinuod gyong pagtamod, paghigugma, ug pagpahimulos sa bililhong persona ni Ginoong Jesucristo nga ilang kinabuhi ug tanan (2 Cor. 11:2-3).
 4. Aron makapangalagad og kinabuhi sa uban ug makamintinar sa atong kadaogan aron matukod ang iglesia, kinahanglan naa tay pagkinabuhi nga nadasig pag-usab ug pagpangabudlay sa pagpangatiman nga niagay gikan sa gugma nato sa Ginoo ug sa mga igsoon—Prov. 4:18; Juan 21:15-17.
- D. Aron makapadayon sa dalan sa Filadelfia, kinahanglan maluwas ta gikan sa dalan sa Laodicea, nga mao ang nadaot ug nahiwi nga Filadelfia—Bug. 3:14-22:
1. Nahinumdom pa gihapon ang Laodicea sa ilang kasaysayan, apan nawad-an na sila sa kinabuhi nila kanhi; hinumdoman gyod nato kanunay nga ang presensya ra sa Dios karon ang mahinungdanon—Exo. 33:14; 2 Cor. 2:10.
 2. Nagpasabot ang Laodicea og nasayod sa tanan, apan sa pagkatinuod mainiton diay sa wala; sa ngalan, naa niini ang tanan, apan dili kini makasakripisyo sa iyang kinabuhi alang sa bisan unsa; nahinumdom kini sa kanhing himaya niini, apan nalimot sa kahimantang niini karon atubangan sa Dios; Filadelfia kini kanhi, apan Laodicea na karon, nga natugob sa pagkadagaang ug espirituhanong garbo—Bug. 3:15-17.
 3. Kon buot tang mopadayon sa dalan sa Filadelfia, magpaubos gyod ta atubangan sa Dios ug mobayad sa bili aron labi pang makabaton sa Tulo-usang Dios nga bulawan, puti nga mga bisti, ug tambal nga ipahid sa mata; mausa dayon ta sa Ginoo nga nangunang Mananaog sa sulod nato aron molingkod uban Niya sa Iyang trono sa gingharian sa millennium—vv. 18, 21.